


علوم غزته سي

العدد - ٢٤



سلامان و آبسال

سلامان و آبسال قصه سنی ابتداء اسلامه تحدیث ایدن ذات ابن سینادر اشارات نام کتابنده دیرکه « النخط الرابع فی مقامات العارفين . تنبيه . ان للعارفين مقامات و درجات یخصون بها فی وهم حیوتم الدنیا دون غیرهم فکانهم وهم فی جلا یب من ابدانهم قد نضوها و تجردوا عنها الی عالم القدس و لهم امور خفیة فیهم و امور ظاهرة عنهم یتکبرها من ینکرها و یتکبرها من یعرفها و نحن نقصها علیک و اذا قرع سمعک فیما یقرعه و سر د علیک فیما تسمعه قصه لسلامان و آبسال فاعلم ان سلامان مثل ضرب لک و ان آبسال مثل ضرب لدرجتک فی العرفان ان کنت من اهله ثم حل الرمز ان اطقت »

امام رازی اشارات اوزرینه شرحنده دیرکه « شیخک بوراده ذکر ایتدیکی سلامان و آبسال نه یلمجه قیلندن در نه ده قصص مشهوره دن . بونلرایکی لفظدرکه شیخ وضع ایلدی بوکی شیارایسه مستقل عقل ایله یلنمسی محال در بناء علیه شیخک حل تکلیف ایدیشی عادتاً معرفت غیب تکلیفی قیلندن در

بقصه بی حل ده چوق شی سویلدیلر الاعلاسی شوقولدرکه سلاماندن مراد آدم و آبسال دن مراد جنت اولوب شیخ دیمک استرکه ادم ایله مراد سنک نفس ناطقه کدر و جنت دن مراد درجات سعادتک در آدمک تناول برایله جتدن اخراجی قضیه سی نفسک شهواته التفاتیه درجات سعادتدن انحطاطی دیمک در »

نصیرطوسی اشارات شرحنده امامه جواب صد دنده دیدی که « بن دیرم که شیخک کلامی برقصه وجودنی مشعردرکه انده سلامان

و ابسال اسمی مذکور اوله و سیاق قصه برطالب بیانی مشتمل اوله که
 او طالب مطلوبنه تدریجا واصل اولوب بووصول ایله یواش یواش کمالاته
 ظفر بوله تا که سلامتی بوطالبه و ابسالی او یله مطلوبنه و ماجرا رینی
 شیخک حل امر ایتدیکی رمزہ تطبیق ممکن اوله . و اوقصه عرب
 حکایاتندن اولغه بکزر چونکه سلامان و ابسال لفظری امثال و حکایات
 عربده جاری اولدیغی وارد در خراسانده بعض فضلانک شوئی بیان
 ایتدیکنی ایشتم که ابن اعرابی نوادر نام کتابنده ایکی کیمسهک برقوم الله
 اسیر دوشدکلرینی ایراد ایلش بری خیرایله مشهور و اسمی سلامان *
 و دیگری جرهم قبیله سندن شرایله مشتهر ایمش سلامان سلامته
 شهرتنه مبنی بدل و یریلوب اسارتدن قورتارلش و جرهمی شرایله
 شهرتندن ابسال * و تحریم اولنش تا که هلاک اولش بونلردن طولایی
 عربده مثل ساری ایمش او مثلده سلامان و انک ارقداشی ابسال مذکور ایمش
 بن او یله بر مثل خاطر لامیورم و کتاب مذکور دن قصه مز بوره یی
 مطالعهم دخی تصادف ایتدی حالبو که قصهک ایشدیکم شوضورتنه کوره
 بومقامده مطلوب شیخه موافق دکل لکن شولفظلرک نوادر حکایات
 عربده وقوعنه دلالت ایدیور بو یوله اولدیغی تقدیرده سلامان و ابسال
 شیخک بعض امور و وضع ایدوب غیریلره حلنی تکلیف ایتدیکی شی قیلندن
 دکل در شیخ دیمک استر که اگر قصه یی ایشدک ایه انده مذکور سلامان
 و ابسال لفظلرندن نفسی و عرفانده درجه کی فهم ایله بعده حل رمز ایله
 مشغول اول بورمز سیاق قصه در که بوسیاق احوال عارفینه مطابقی
 بولورسک بومعناجه شیخک حل رمز امری معرفت غیب تکلیفی دکل در
 انجق قصه یی استماعه موقوف در و بوتقدیرده مستقل عقلک و قوف
 و ایتداسی ممکن اولان مواددن اولق محتمل در بورالری بیاندن صکر
 دیرم که بن شوشرحی تحریردن صکره سلامان و ابساله منسوب ایکی
 قصه یه مطلع اولدم « نصیر طوسی بورادن اشانی ایکی قصه یه

اشارت ایلر که بری منلاجامی نك نظم ایلدیکی سلامان و ابسال در دیگری
جوزجانی نك شیخ ابن سینایه اسناد ایلدیکی در

جامی نك نظم ایتدیکی قصه یه کوره «سلامان» برمد پروزاهد حکمدار
یونانی نك اوغلی که ازدواج سر حصوله کیش شویله که بر حکیم صلب
شاهدن نطفه ی بر صنعت خفیه ایله آلوب رجك غیری بر محل مولده
حفظ ایلش طقوزماه صکره سلامان پیدا اولش «آبسال» حسن و ملاحظه
بی نظیر برمرأة اولوب اول امرده سلا نك دایه سی بعده معشوقه سی
سلامان بونك عشقیله پدری قربنده آرام ایده میوب معشوقه سیله بر دریاه
چکیلوب مستغرق عیش و عشرت اولورلر بر مدت صکره سلامانه
ندامت کلوب پدری جانبانه استغای قصور ایدرک مراجعت ایلر پدری
دخی قبول برله نصیحت آغا زایلر سده سلامان ینه صبر ایده میوب نه پدرندن
آیرلاغه ونه ده آبسال دن افتراقه تحمل ایده مدیکندن نهایت ابسال ایله
بر صحرا یه چکیلور و آتش یاقوب ایکسی دخی کندولرینی آتیشه اتارلر
فقط شاه بو حاله واقف اولوب همت روحانیه سیله آبسالی یاقار سلامانی
خلاص ایدر . سلامان بو طریق ایله ابسال وجودندن قورتیلوب جانب
پدره میل ایلدیسده درد فراق ابسال ایله آرام ایده ممکده اولدیغندن
و بو حاله علاج ایتکه شاه مقتدر اوله مدیغندن حکیم مولدک همشه مراجعت
ایلر . حکیم سلامانه ابسالک تمثالنی کوستره رک بر مدت تسلی ایلر نهایت
بو تمثالی زهریه تحویل ایلوب سلامانی زهریه عاشق ایدر سلامان
زهریه علاقه ایتسیله ابسالک غم عشقندن خلاص اولور و بودرجه دن
صکره تحت حکمداری یه اهل اولدیغندن پدری طرفندن اریکه حکومت
اجلاش ایدیلور

منلاجامی قصه سنك خلاصه الخلاصه سی اشته بودر بو قصه دن حصه یی
جامی شویله بیان ایدر . حکیم «عقل اول» شاه «عقل عاشر» که عقل
فعال سلامان زاده عقل اول اولان «نفس ناطقه» ابسال «تن»

سلامتک ابساله عشق «نفسک بدن ایله علاقه سی» دریای عیش و عشرت
 بحر شهوت حیوانیه و لجه لذت نفسانیه سلامتک ندامتی سن انحطاط ایله
 طی بساط شهوته مثال . سلامتک پدرینه مراجعتی نفسک لذت عقایه یه
 میلی . آتش فقره سی ریاضت و مجاهده قضیه سی . شاهک همت
 روحانیه سیله ابسالک یانوب سلامتک خلاصی فیض عقل فعال ایله لذت
 روحانیه نك شهوات حیوانیه یه غلبه ایلسی . زهره کالات علیه یه مثال
 سلامتک اریکه حکومت اهلیتی جمال عقل نورانی ایله حکومت ملک
 انسانی بی استحصالی . اشته حصه بو . دیرلرکه بوقصه یالکز شو حصه بی
 استخراج قصدیه ساخته اولمایوب انجق مذکور پادشاه اوائل ده یونان
 و مصر و روم حکمداری ایش حکیم مرقوم انک اعانه سیله مصرده
 ایکی هرم بناء ایدوب و تمثالرینی یایوب بو تمثالر اوزر لرینه سلامان و ابسال
 واقعه سنی خطوط قدیمه ایله یازمش . بویازوی ارسطویه قدر کیمسه
 استخراج ایده ممش فقط ارسطو خواجه سی افلاطونک تعلیمیه یازولری
 اوقویوب یونانی جه ترجمه ایلشن و مؤخر احن بن اسحق یونانی دن
 عربی یه ترجمه ایلشن . نصیرطوسی بواهرام و ارسطو فقره سنی و حنین
 ترجمه سنی تکذیب ایلدکن فضله دیدی که بویر ساخته قصه در که عوام
 حکمدان بری ابن سینا نك کلامنه کویا محل بولق زعمیه اختراع ایلشن در
 فقط بو مختراع فہمی نه مرتبه قاصر که شیخک عباره ستان معنای
 ظاہری ییله الکلاماش چونکه قصه مزبورده ابسال مانع عرفان اولق
 اوزره مثال در شیخ ایسه «وان ابسالاً مثل ضرب لدرجتک فی العرفان»
 دیور درجه عرفانه مثال ایدیور . . .

ابوعبید جوزجانی نك تصانیف شیخ فہر سنده یازدیغنه کوره شیخک
 سلامان و ابسال قصه سی شویله در (خلاصه الخلاصه ترجمه سی)
 سلامان و ابسال ایکی اوزقزنداش ایمش ابسال سن جه کوچک اولوب
 برادری نزدنده بیومشن صیح الوجهه عاقل متأدب عالم عقیف و شجاع

ظهور ایلش سلامانك زوجه سی بوکا تعشق ایتش زوجه سی بعض
عاقلا نه سبیلر یانیه ابسال ایچرویه الدرمن و برمدت صکره ابساله
عشقی کشف ایتش سده ابسال کال عفتدن رد ایلش نهایت بوقاری
کندی همشیره سی ابساله تزویج ایدوب زفاف کیجه سی قرانلقده کندی
دوشکه یاتمش ابسال قبل التلاقی بشقه سی اولدیغنی حس ایلش و تام
اوارالق « سماء بلوطلاتوب برق لمعایله یوزینی کوروب » یلش و درحال
دوشکدن فیلا یوب طشره چیقمش . ابسال کال عفتدن بواقعات
اوزرینه خانه دن افتراق قوروب برادری سلامان شاهه فتح ممالك وعد
ایده رك عسکر آلوب نیجه بلاد فتح ایلش عودتنده قاری کندی سی
اونوشن در ظن ایدرکن بالعکس عشق و شهوتی غلبه ایلش اولدیغنی
حس ایدنیجه راحتی منسلب اولدیغندن و اوارالق برادرینك حکومتی اوزرینه
هجوم اعداء تصادف ایدیوریدیگندن تکرار سرعسکر لکله دفع اعدایه
کتمش اولوقت زوجه سلامان عشقی حدتندن ابسالک معیتنده کی بعض
ضابطلره انهرام ایله ابسال دشمنه تسلیم ایتلری اوزرینه مال آدامش
بونلر بوزنشلر ابسال یاره لنوب دوشمش و دشمن طرفندن میت ظنیه ترك
اولمش ابسال برمدت صکره یاره لری اوکیلوب عودتله برادرینی احاطه
ایدن اعدایی دفع ایلش وعفت و شجاعت فوحاتیه آرام ایتك استمشده
مرقومتهك تعلیمه ابسال اشجیسی و خدمتکاری تسمیم ایتشلر ابسالک
وفاتنده برادری سلامان يك مکدر اولوب حتی تاج و تختی ترك ایتش
ومؤخرا برادرینك کیفیت وفاتی اوکرنسیله مرقومه یی و خدمتجیلری
الجزاء من جنس العمل تسمیم ایله اعدام ایلش . اشته قصه بومنقوله
راجع در بوقصده سلامان دن مراد نفس ناطقه و ابسال عقل نظری که
عقل مستفاد مرتبه سنه ترقی ایلش و زوجه سلامان شهوت و غضب ایله
اماره اولان قوه بدیه و آنک ابساله عشقی تسخیر عقله میلی دیمک
باقی تاویل ظاهر در .

طوسی اشارات شرحنده ظن ایدرکه شیخک سلامان و ابسال قصه سی
جوزجانی ک یازدیغی کی اولق کرک چونکه شیخ قضا و قدر رساله سنده
سلامان و ابسال قصه سنه اشارت ایلدیکی یرده « غیم مظلم دن لمعان برق
زوجه سلامان وجهنی ابساله کشف ایلدی » تعمیر ایدیور جوزجانی
نقلنده دخی بوکی « سماء بلوطلاتوب برق لمعانیله (زوجد سلامانک) یوزینی
کوروب » تعمیر وار

کله لم ابو جعفر طفیل حضرتک یازدیغی سلامان و ابسال قصه سنه .
دیرکه « ۰۰۰ بویله اولدیغندن بزکندیمزی اثرمنز اوله جق بحث وضعنه
اهل کوردک وسنک دخی صحت محبتک وزکای صفوتک علیله عندم زده
موجود اولانی هدیه ایلدیکمز و نزدمزده بولنانی وقف قیلدیغمز برنجی ذات
اولقلنک بزجه تعین ایلدی شوقدرکه اکر بزسکا منتهی
اولدیغمز حالک غایاتنی مبادی تحکیم ایتزدن اول القاء ایلسه ک
برامر تقلیدی بمحمل دن بشقه برشی افاده ایتز بوتقلید دیدیکمز
صورت ایسه اکر سن بزه حسب الموده والافه حسن ظن ایلدکسه
یوقسه بزقبول القول اولغنه مستحقز معناسیله دکل حالبوکه بزسنک
ایچون بمرتبه دن اعلا اولدقچه راضی اولما یز وسنک ایچون بورتبه یه
قناعت ایلیر زیرا بورتبه نجاته بیله کفیل دکل در زده قالدی که اعلا
درجاته وصول انجیق مرادمن مقدمات بزم یکمز یولره سنی دخی
حل ایتک و عبور ایتدیکمز دریاده یوزدرمک در تا که بزم منجر اولدیغمز
مقصوده سندخی منجر اولوب بزم مشاهده ایتدیکمزی سندخی ایده سک
و بزم بولدیغمز هپ حالاتی سن دخی بصیرت قلبکله تحقق ایلیه سک
و بزم بیلدیکمزه ربط معرفتکدن مستغنی اوله سک بوایسه برخیلی جه زمان
معلومه و شواغل دن فراغه و جمیع همتله بوفته توجه ایتکه محتاج در
ایمدی اکر بومطلبه تشمیرساق ایچون نیتک صحیح و عزیمتک صادق اولورسه
لدی الانکشاف مسیره که شکر ایدرسک و سعیک برکته نائل اولورسک

وربني سندن راضی ایتش اولورسك اودخی سنی راضی ایدر و مراده
 و مطمع همشه نائل ایلر بن اومارم که سنکه اعدل و غوائل و آفاتدن
 الك زیاده امین اولان طریقہ سلوک ایلہ واصل اراییم شمدی سن بنی
 تشویقه و یوله دوشمك ایچون ترغیبه لمحہ یسیره عرض ایلدك آرتق بن سکا
 حی بن یقظان و شیخ ابوعلی سینا ك تسمیه ایلدیکی ابسال و سلامان
 قصه سنی وصف ایدیم که بونارك قصه سنده عقل صاحب ایچون
 عبرت و قلبی اولان و ذهنی بشقه یه و یرمکسزین قولاق طوتان کیمسه ره
 موعظت واردر»

ابوجعفر بن طفیل قصه یه بورادن باشلا یوب مقدمات و مبادی سر دیله
 یوز صحیفه قدر برکتاب یازمش در خلاصه سی شودر که روح دینلان
 هر طرفه منتشر و فیاض برسیال اولوب کندینی قابل برطرف بولنجه اکا
 مقدار قابلیتیه کوره تعلق ایدر اشته ابوجعفر بواصل اوزرینه سوق خیال
 ایدوب طیراق دن اناسز باباسز برانسان تکنونی شرح ایدر یعنی برارض
 معتدل ده بدنك ترکیب و تسویه سنه لابد اولان عناصر و اصولك اجتماع
 و امتزاجیه قابل روح بر قالب انسان تکنون ایلوب اکا سیال فیاض
 تعلق ایلسنك امکانی علوم طبیعیہ اقتضا سنجه بیان ایلر و بو وجهله
 تکنونی تصویر ایتدیکی انسانه حی بن یقظان تسمیه قیلار و بو حی جزایر
 هنددن برجزیره معتدله و خالیه ده یتشد یکندن طوتدیرر و بالجمله بویانی
 کویا برروایت ایش کی کوسترد کدن صکره دیگر روایتیه کوره حی بن
 یقظان موسی قبیلندن بک ایکن تابوت ایچنده صویه آتیلدیغنی و تابوتك
 مدماء ایلہ برجزیره خالیه ده دشوب جزرا یله اوراده قالدیغنی و یاور یسنی
 غائب ایتش برکیك چوجق سسنی ایشمکه کلوب ایاغیله قورجالایه
 قورجالایه صندوقه پی آچدیغنی و چوجغنی امریره رك پیوتدیکنی تصویر ایلر
 هرزه ایسه بو حی بن یقظان شو جزیره خالیه ده یتشمسیله انسان کی نطق
 ایلر سده صاحب فکر و عقل اولدیغندن بیودیکه فکری دخی بحال تعقل ده

توسع ایلر حتی انیسی اولان یک هممان اولدکه بومتحرك ایکن نیچون بویله ساکن قالدی و صیحا ق ایکن نیچون بویله صفومغه باشلادی فکرینه دشوب کیکی تحریکه چاره سوداسیله جاقاق طاشلریله یارار تشریح ایدر و بوضورتله بعض باشلیجه طمرلک و مرکزدن اولان قلبک بعض خدمتترینه واقف اولور

ابوجعفر بوانسانی تشریح دن باشلادوب سائقه عقل ایله افکارده ترقی ایتدیره ایتدیره کندنده اولان عقلک وجودنی فهم ایتدیرر نهایت حی بن یقظان ارض ده تحریاتندن مرئی اولان سماوات تحریسنه بالتفکر صعود ایلر صانع وجودنی بولور بوصانک الله ایدوکنی یعنی عبودیتیه مستحق اولدیغنی و کندی کبی اتارک بوصانع عالی حضورنده تضرع و ابتهاله بورجلی اولدیغنی حس ایلر و الحاصل « دیانت طبیعیه » یی کشف ایدر یعنی توحید و مسئولیت و بقای روح اصولنی ادراک ایلایوب عبادت و خضوعه مستغرق اولور

ابوجعفر حی بن یقظانی شوزده جهیه قدر طبیعت هدایتیله ایصال ایدر یعنی علوم طبیعیه و حکمیه اوزده مسئله یی شرح ایدرک ارقاء ایلر بعده برجزیره معموره دن ابسال اسمنده برعلامه و زاهدی اختیار عزات ایتدیروب حی جزیره سنه آتار بوعلامه برخیلی مدت صکره حی بن یقظان ایله ملاقات ایدر و ایکی طرفدن دخی توحش زائل اولدقدن صکره ابن یقظان بوعلامه دن آیرلایوب لسانی تعلیم ایلر فهم کلام و تکلمه مقتدر اولدقه ابسال دن الهیات و بعث و حشر و نشر و حساب و میزان و صراط و جنت و جهنم مسائلنی و احکام و اداب شرعییه یی ایشیدر ابن یقظان بومسائلک حقائقنی ذاتا کندی عالنده و دیانت طبیعیه سنده ذوق و ادراک ایتش اولدیغندن بونلرک سعادت و شقاوت امثله سی اولدیغنی فهم ایلر سده ایکی بیوک شبهه یه دوشر
۱. برنجی شبهه ابن یقظان کندی کندینه دبرکه هله شوبعث

و حشر و نشر روحانی و حساب و میزان مسؤولیت قضیه سی و جنت و جهنم سعادت و شقاوت حقیقی و صراط ایسه سعادت و شقاوت طریقنک تمثیلی در لکن بوابسالک پیغمبری بوحقائق عجبا نیچون او یله تشبیهات و تمثیلات و کنایاته بوغدی نیچون اچیقندن آچیغه تفهیم حقائق ایلدی حتی (ابسال دن اکلاشیلاجنی وجهله) بو تمثیلات انسانلری تعطیل و تجسیم و تشبیه کی اختلافه دوشورمش و برطاقم مذاهب ظهورینه باعث اولمش

۲ بن یقظانک ایکجی شبهه سی شوکه ابسال دن ایشدیکم احکام دن اکلاشیلان تعلیم حقائق ایدن پیغمبران ناسک اموال ولذاند دنیویه ایله فوق الحاجة اشتغالنه رخصت و یرمش عجبا نیچون مطلب انسان محضا سعادت حقیقتندن عبارت اولدیغنی تفهیم ایله فوق الکفایه توغل دنیادن نهی ایلدی و دنیادن انقطاع ایله حضور دائمی امر ایلدی حتی و یرمش اولدیغنی رخصت اشتغال حبس و قتل و قصاص و قطع ید کی احکام وضعنه حاجت کوسرزدی اگر حقیقت و حکمت تفهیم ایده ایدی انسانلر مساوات و مسؤولیت و زهد حقائقنی طانور و بوضورتده نظام انسان و انتظام جهان ساده اولور احکام طبیعیه قالب احکام موضوعه یه حاجت اولماز ایدی

اشته جی بن یقظان بوشبهه لره دشوب او یله تصور ایتدی که انسان دینلان اشته بنم کی وشوا ابسال کی دکل می کاشکه شوانسانلرک بولندیغنی یرلره کتمکه قادر اولسه مده آنلره ذوق ایتدیکم حقائق تفهیم ایلسم تمثیلاتدن قورتیلوب ادیان و مذاهب قاقسه ده حقیقت واحده دن عبارت قالسه و حکم حقیقت جاری اولسه ...

ابن یقظان بومطالع و املنی ابساله بیان برله ناس ایچنه کمسنی استر علامه ابسال براز کولر و ارشاد ایلک استر سه ده بلکه کندی یدیه اهتداسنی امل ایدوب موافقت ایلر بونلر ساحل جزیره بی طوتوب کرزلر عجبا

چمکه فصل موفق اولورز دیرلرکن مخالف هواء ایله جزیره کنارینه
دوشمش برکی کوردرلر ایچنه کیرمکی ملاحینه قبول ایتدیروب سلامان
جزیره سنه کلورلر . و جزیره ابسالک وطنی ذرا بسالک علم و معرفت ده
همراهی سلامان بوجزیره ده رئیس اولوب طریق صفوت ده ابساله
همیار ایسه ده اختلاط طرفداری ایتمش . ابسال ایسه عزت و خلوت
طرفداری . جزیره ده ابسال کندی مریدلری اولان کزیده ناسه
بن یقظانی تعریف و اولیاء دن اولق اوزره توصیف ایلر بو وصف اوزرینه
هرکس باشنه طویلا نوب خواطر الهام مظاهرنندن خالصانه استفاده
آرزو ایدرلر . ابسال حی بن یقظانه دیرکه اشته بو ادملر طریق فهم
و دانش ده کزیده و جانب حقائقه توجه کرده خالصلردر اکر بونلره
تفهیم حقیقت ایده من ایسه ک چرکاب دنیا یه الوده اولان عوام ناسه
آکلاتق وانلری علی قدر عقولهم تمثیلات و احکام موضوعه یه ربطدن
بشق و واسطه ایله ضبط ایلک قابل اولیه جفنی فهم ایلر سک
حی بن یقظان بو آدملره هر کون حقائق دن بحث ایتکه و حساب و جنت
و جهنم حقائقنی شرح ایلکه و احکام موضوعه یه حاجت بر اقامق اوزره
ترک دنیا یه دائر زهد تلقیننه باشلار . فقط کون کون « لانفضوا من حولک »
سری ظاهر اولوب هرکسک نفرت و عداوتنی قزانور . و بونلرجه
ابن یقظان مدینت دن بی خبر جاهل و وحشی کورینور

برده ابن یقظان کوررکه ناس « کل حزب بما لیدهم فرحون » وادیسنده
و هرکس دنیا دن نصییه مشغول . سمع و ابصار لرنده کی تجارت و بیع
و استفاده و بالجمله مدینت غشاوه لری تمثال لره دنونمایه محتاج و شریعت دن
استفاده لری انجق نظام معاشرینی مستقیم قیلاجق درجه لرده پس بونلری
کوروب یکان یکان تجربه دن صکره اکلارکه « حکمت دین اولاماز »
و دیانت طبیعیه نك شارح و ممثلی اولان دیانت موضوعه و احکام شرعیه
کرکدر بونلر سبز اولماز . بعده حی بن یقظان مقدا عدم اختلاط و عدم

تجربه اوزرینه نظریاته قصرظن ایلدیکی خطاسنی اکلار و شبهه لرینی
حل ایدوب « کلموا الناس على قدر عقولهم » « وانزلوا الناس منازلهم »
بیوران صاحب الشریعة (علیه اکل التحية) اسابت و باب تفهیم ده
کمال حکمتله عنایت ایتمش اولدیغنه ایمان ایدر و کنديک عدم اختلاط
سبيله خطا ایدوب بیهوده ازعاج قلوب ایتمش اولدیغندن خلقه اعتذار
واستغای قصور ایدر و جهورك سلامتی احکام موضوعه شرعیته
کاینی محافظه سنده اولدیغنی سلامانه وصیت و اذهان عامه یه کوره
شرائع انبیائک بیانندن دهها واضح و ضابط بریان اوله میه جفنی بصیحت
ایدرك و داع برله « ذرهم فی خوضهم یلعبون » طریقنی طوتار اعنی اسکی
جزیره سنده کی عالنه عودت و فریفته بوی ورنک اولانلردن عزلت ایلر
ابسال دخی بویابده اکا ییرو اولور ...

اشته ابو جعفر روایت صحیحیه سی اوزره ابن سینانک ابسال و سلامان
قصه سنک روحی بو ترجمه مزده در اربابی اولان اصلنه مراجعت ایدوب
دها نیچه حقائق و دقائق بولور

شمس بن دیرم که ابن سینانک سلامان و ابسال قصه سی ابن طفیلک
نقل ایتدیکی کبی بر قصه در یوقسه جامی نک و جوزجانی نک بیانی کبی او یله
عادی و قبا برشیء دکل در

هر کیم که ابن سینانک شفاء و نجات کتابلرنده « اثبات النبوة و کیفیة الدعوة »
فصلنه مراجعت ایدر سه ابن سینانک شریعت حقنده بیانی طبق ابن طفیل
بیانی کبی بولور .

قصه معلوم اولدقدن صکره دیرم که سلامان و ابسال اسملری عبرانی
اولق کر کدر « ابسالون » و « سالومون » داود علیه السلامک اوغوللری
ایدی اسم و قصه فی الاصل عبرانیدن کلوب انجیق اسلام حکمائی
تفهیم سعادت و حقیقت شریعت قصدیله بو قصه یی مرادلری اوزره
تنظیم ایتشلردن فصل که قصه و رومان ده عادت بویله در .